

DEO OPTIMO MAX.

UNI ET TRINO.

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,*

QUOD LIBETARIIS DISPUTATIONIBUS,
*manè discutienda in Scholis Medicorum, die Jovis decimā-
sextā mensis Decembris, Anno Domini M. DCC. LXII.*



M. COSMA AUGUSTINO LÉZURIER,
Doctore Medico, Præside.

Utrum in triplici corporis cavitate, diversus sanguinis motus?

I.



MNIUM corporis humani partium elegans symmetria; admiranda dispositio, sublime artificium. Hic fluidæ suis coëscuntur canalibus; illic ossæ opportunè flexibilem toti machinæ conciliant rigiditatem; aliæ, morrici pollescentes *energiam*, inertem alioqui agitant molem; aliæ firmiores, mollioribus præsidio sunt; quædam sensationum organa, externis agentibus obviæ patent undiquè; quædam, in interioribus reconditæ latebris, exterioribus protegentur. Internarum, externarumque partium mutuum est commercium, conspiratio mutua. Hæ materiem elaborandam, futuram vitæ fomitem, undique conquistam, sollicitè suppeditant; illæ succos digerunt & laudabiles distribuunt vitæ rivulos. Utræque sibi famulantur invicem. Nonnullæ tamen numerantur partes, quas meritò principes appellaveris, utpotè quarum functiones & usus vitam constituent, sanitatiq; conferant ampliùs. In eo resplendescit Creatoris sedulitas, quòd istas, plus minùsve validis munitis propugnaculis, in tuto posuerit, ac veluti circumvallaverit. Tria sunt in corpore partium istiusmodi nobilium repagula. Cranium, ingeniosâ constructum architecturâ, muniendæ molliori cerebri substantiæ comparatum est. Thorax, ossis, cartilagineisque compositum arcubus, vitæ destinata recipit organa. Abdomen carnis, mobilibus & elasticis constant parietibus, multiplicis generis viscera complectitur. Tres illæ cavitates totidem sunt officinæ, in quibus, circûmeuntis beneficio sanguinis, cuduntur fugientis, & in dies labantis vitæ retinacula.

* *Authore M. HYACINTHO-THEODORO BARON, fil. anno 1732.*

FLUIDIS, in corpore sano tam proprium est circulari motu progredi; quam necessarium. Fluiditatis inimica & corruptionis parens est stagnatio. Hinc *circulationem* nullibi non reperias. In ore saliva depluit à sanguine secreta, rursum sanguini remiscenda, dum alimentis molliem humiditatemque suppeditat. Chylo diluendo, requiritur uberior lymphatici copiam laticis; hinc ubique separatur à sanguine lymphaticus humor, chylo progredienti permiscendus. Resinosæ acresque particulae, si sanguinem inficerent, omne perverterent nutritionis opus; hinc in hepate deponuntur, intrà sanguinis alveum revehendæ, cum alimentorum coctioni perfectionem attulerint. In testibus percolatur, præcipuus generationis opifex, semen, quod in sanguinem refluum, aliis partibus robur impertit ac vigorem. Major in sanguine salium proventus, optabilem corrumpere ipsius dulcedinem; hinc renibus sero diluti dimituntur, dum per gulam interea nova semper accedit ab alimentis faldedinis materies. In cerebro nobilis & vivificus à sanguine præparatur humor, spiritus animalis, qui suo functus officio in sanguinem refunditur denuò secernendus. Ex arteriarum extremis stillat & in adiposâ membranâ deponitur pinguedo, quam resorbent venarum capillamenta. Aëris ipsius nonne datur in corpore circuitus, dum alimentis, excrementisque permixtus aër continuò ingeritur æquè ac egeritur? Omnia circumeunt in corpore, jugique abripiuntur motu; nihil in eo permanens, nihil perenne, nisi ipsa *circulatio*, quæ pro triplici cavitatum differentia, juxta diversas leges, per diversimodè configurata vasa, diversis concurrentibus causis exequitur, diversaque exhibet phenomena.

III.

IS est sanguini indictus generalior circumeundi modus, ut cordis ventriculi sinistri contractione vehementer impulsus, per arterias, aortæ ramos, in varias corporis partes distribuatur, singulis motum, calorem vitamque largiturus. Hunc suo defunctum munere, in cor transmittendum excipiunt venarum capillamenta, quæ sensim crescunt eundo, majoresque constituunt venarum ramos, arterias numero & diametri latitudine superantes. Tali constructis artificio vasis, vehitur revehiturque cruor, cordis & arteriarum *diastole* ac *systole* alterno motu oscillantibus. Jam si singulas scruteris corporis cavitates, aliquid discriminis ubique reperies. Num juvat pectoris latebras introspicere? En à generali circulatione longè dissimilis, nova sese profert *circulatio* cruori subeunda, priusquam ex omnibus redux partibus, sinistro cordis ventriculo denuò committatur: transitum intellige sanguinis per pneumaticam pulmonum machinam. Non hic sinister cordis ventriculus, sed qui à dextris situs est alter, moventis organi munus adimplet. Non hic sufficiunt cordis robur, arteriarumque *systole*; nova, huic perficiendæ circulationi, accedat causa necessum est: aëris nempe pressio & elaterium, quæ nisi, pulmonum cellulas implendo, complicata explicarent vasa, progredientique fluido calcar adderent, præceps instaret suffocationis periculum. Non hic numerosiores latioresque venæ vestrum per arterias revehant liquorem; sed illum, aëris frigore condensatum, excipit strictior quàm in arteriis venarum pulmo.

nasium alveus. Plura quæris in pectore? Cor ipsi proprias & peculiare agnoscit in sanguine circulandi modos. Coronariæ ipsius arteriæ, ex aortæ basi oriundæ, à solitâ omnium corporis artiarum deflectentes lege, cordis motui famulantur, communesque ac *synchronas* cum eo exercent oscillationes. Nec in venas tantum, sed & in ipsum finistram cordis sinum sanguinem exprimunt arteriæ coronariæ; hinc nova exurgit, nec alibi observanda, sanguinis *circulatio*, quæ intra cordis ventriculi finistri & aortæ trunci limites comprehenditur; dùm nempe exigua sanguinis portio expellitur ex aortæ trunco in arterias coronarias, quæ accepti sanguinis partem, venis & pulmonibus insalutatis, ventriculo finistro restitunt, in aortam, rursusque in coronarias arterias refundendam.

I V.

IN abdominis cavo quot delitescunt viscera, tot deprehenduntur *circulationum* modi. Sanguis per arterias mesentericas & cœliacæ progrediens perisque ventris infimi distribuitur visceribus, ibique diversimodè circûmeundo, diversis fungitur officiis. Hic liquorem gastricum, illic lympham exiit intestinalem; hic succum pancreaticum deponit, illic pinguedinem; teritur in liene, in omnibus demùm salis volatilis, resinosarumque partium evolutionem recipit. Cruori, tot variis agitato motibus, nova manet adhuc suscipienda circûmeundi ratio, abdominis cavitati propria. Sanguinem per memoratas vectum arterias quæ revehunt venæ, in ampliorem venæ portæ sinum concurrentes, rursus dividuntur in capillamenta, artiarum æmulæ. Sic venosus sanguis, arteriosi vices adimplens, secretioni materiam suppeditat, jamque emensas semel capillarium relegens angustias, bilem, quâ turget, exiit in hepate. Tandem venæ cavæ capillamentis exceptus, in dextrum cordis ventriculum refunditur, duplicem expertus in abdomine *circulationem*. Peculiarem hunc sanguinis motum peculiaris causa juvat: scilicet, diaphragmatis & musculorum abdominis alterna contractio, quæ contenta molliter versando viscera, remotam à venæ portæ ramis cordis potentiam supplet, supplet & absentem artiarum *systolem*. Quid plura? Quæ in abdominis cavo latitat uteri cavitatis, nonne diversæ *circulationis* exhibet specimina? Hic singulo mense maciatur quasi victima, & ex ipso sanguinis fluxu viget partis incolumitas. Nùm gravida gestat utero mulier? Nova prodit in sanguine *circulationis* species. Omnia sine periculo dilatantur enormiter uteri vices, appellit uberius purpureus latex, homuncionis pabulum depositurus. Fœtum inter & placentam per umbilicalia vasa novæ *circulationis* necitur commercium. Fœtus quoque proprium in se continet cruoris circuitum, dùm venâ cavâ advectus sanguis, pulmonem, aëris defectu flaccidum, omitendo, per foramen ovale, arteriosumque canalem, in aortam detorquetur statim, quândiû fœtus abdominis materni comprehenditur carceribus.

V.

SUPREMUM corporis ventrem nunc rimemur oculis. Qui rectâ quasi viâ ad partes destinatas fluit ubique sanguis arteriosus, hic per tortuosos vasorum flexus progreditur. Vertebrales arteriæ inter foramina, quibus transversæ vertebrarum colli perviæ sunt apophyses, flexuoso ductu

4

rehunt sanguinem ad cerebrum. Carotides internæ, intra sinuosum apophyseos petrosæ ductum & circà sphœnoidis sellam, reptant serpentino gressu: ut sic per varios angulorum obices, crassioribus moræ necantur partibus, dùm prætergreditur tenuior pars, spirituum secretioni suffectura materiem. Nec minùs à solitâ ratione recedit sanguinis reditus à cerebro. Arteriarum comites venæ, non (ut fieri solet) ad cordis usque cavum producuntur; sed contentum sanguinem deponere impatientes, breviori ductu, eum intrâ peculiaris naturæ canales, duræ menyngis sinus, exonerant, horum ope in venas jugulares vertebralesque transmittendum. Quis jam, ex hoc tam dissimili vasorum apparatu, diversum in sanguine non agnoscit motum? Sed quantò patet evidentius illud *circulationum* discrimen, si diversæ capillarum distributiones sagacioribus lustrantur oculis, si intima viscerum penetralia solerti injectionum arte referantur? Omnes circulationum vias nondùm affecutus est qui circa crassiores vasorum ramos immoratur tantùm. In abscondita naturæ miracula longè penetrant altius perspicax microscopiorum acies, mentiensque sanguinem subtilior ceras. Quæ in crassioribus vasis adeò variat natura, dùm diversa meditat operam, quantò magis à se ipsâ dissimilis est, dùm in ipsis capillaribus operatur. Ut jucundum est spectaculum, intrâ diversas corporis cavitates diversa contemplari vascula, mille complicata modis, mille angulis sese invicem decussantia, modò in globulos contorta, modò expanfa in arbores, modò in reticulos conformata. Hæc omnia sanè sanguinis diversimodè circùmcurrentis argumenta.

Ergò in triplici corporis cavitate, diversus sanguinis motus.

DOMINI DOCTORES DISPUTATURI.

M. Joannes-Franciscus Paris.	M. Ludovicus-Gabriel Dupré, Serenissimi Principis Condai Consiliarius & Medicus.	M. Jacobus-Albertus Hæron.
M. Dionysius-Claudius Doulcet.	M. Antonius Petit, è Regiâ Scientiarum Academiâ.	M. Claudius Carolus Dejean.
M. Bartholomæus-Tuffanus Le Clerc, Antiquus Medicus Regis ordinarius.	M. Stephanus Pourfour du Petit.	M. Franciscus - Felicitas Cochu.

Proponebat Parisiis JOANNES-BAPTISTA ALEXANDER
MAIGRET, Parisinus, Baccalaureus Medicus, A. R. S. H. 1762.
A SEXTA AD MERIDIEM.

Typis Viduæ QUILLAU, Universitatis & Facultatis Medicinæ Typographi, 1762.